

॥ तैत्तिरीय संहिता ॥

॥ प्रथमः प्रश्नः ॥

॥ तैत्तिरीयसंहितायां षष्ठमकाण्डे प्रथमः प्रश्नः ॥

अतीकाशान्करोत्यवैशयन्तीर्थे स्नाति प्रधातो मनुष्याणान्तद्वा आङ्गे मित्रत्वाय पुञ्चभिरपरिवर्गमुष्टाचत्वारिंशच्च ॥ 1 ॥

प्राचीनव॑शं करोति देवमनुष्या दिशो व्यभजन्त
प्राची॑न्दे॒वा द॑खिष॒णा पि॒तरः॑ प्र॒तीची॑म॒मनुष्या॑ उदी॒ची॑
रु॒द्रा यत्प्राचीन॑व॒शं करोति॑ दे॒वलोक॑मे॒व तद्यज॑मान
उ॒पाव॑र्तते॒ परि॑ श्रयत्यन्तर्हि॒तो हि दे॑वलो॒को म॑नुष्यलो॒का-
न्नास्माल्लो॒कात्स्वे॑तव्यमि॒वेत्याहुः॑ को हि तद्वेद॒ यद्यमुष्मि॑ल्लो॒केऽसि
वा॒ न वेति॑ दि॒ख्वती॑का॒शान्क॑रोति [1]

उ॒भयो॑र्लो॒कयो॑र॒भिजि॑त्यै केशश्म॒श्रु व॑पते न॒खानि॒ नि
कृ॑न्तते मृ॒ता वा ए॒षा त्वग॑मे॒ध्या यत्केश॑श्म॒श्रु मृ॒तामे॒व
त्वच॑ममे॒ध्याम॑प॒हृत्य॑ य॒ज्ञियो॑ भू॒त्वा मेध॑मु॒पैत्यङ्गि॑रसः
सुव॑र्गं लो॒कय्य॑न्तो॒ऽप्सु दी॑ख्यात॒पसी॒ प्रावै॑शयन्न॒प्सु स्ना॑ति
सा॒ख्यादे॒व दी॑ख्यात॒पसी॒ अव॑ रुन्दे ती॒र्थे स्ना॑ति ती॒र्थे हि ते
ताम्प्रावै॑शयन्ती॒र्थे स्ना॑ति [2]

ती॒र्थमे॒व संमा॒नाना॒म॑भवत्य॒पोऽ॑श्जात्यन्तर॒त ए॒व मे॒ध्यो
भवति॒ वास॑सा दी॒र्खय॑ति सौ॒म्यं वै र॒ख्यौम॑न्देवत॒या
सोम॑मेष दे॒वता॑मुपैति॒ यो दी॒र्खते॒ सोम॑स्य त॒नूर॑सि
त॒नुव॑म्मे पा॒हीत्या॑ह स्वामे॒व दे॒वता॑मुपैत्यथो॑ आ॒शिष॑मे॒वैता॑मा
शा॑स्ते॒ऽग्नेस्तू॑षा॒धान॑व्रा॒योर्वा॑त॒पान॑म्पितृ॒णान्नी॒विरोष॑धीनाम्प्रघातः

[3]

आ॒दि॒त्याना॒म॑प्राचीनता॒नो वि॒श्वेषा॑न्दे॒वाना॒मोतु॑र्न॒र्खत्रा॑णामती
ए॒तत्स॑र्वदे॒वत्य॑ यद्वासो॒ यद्वास॑सा दी॒र्खय॑ति सर्वा॑भिरे॒वैनं॑
दे॒वता॑भिर्दी॒र्खय॑ति ब॒हिःप्रा॑णो॒ वै म॑नु॒ष्यस्त॑स्याश॑नम्प्रा॒णोऽ॑श्जा
सप्रा॑ण ए॒व दी॑र्खत॒ आशि॑तो भवति॒ यावा॑ने॒वास्य॑ प्रा॒णस्तेन॑
स॒ह मे॒धमु॑पैति घृ॒तं दे॒वाना॒म्मस्तु॑ पितृ॒णान्नि॒ष्प॑क्क॒म्मनु॑ष्या॒णान्त॑द्वै

[4]

ए॒तत्स॑र्वदे॒वत्य॑ यन्न॒वनी॑त॒य्यन्न॑वनी॒तेना॒भ्य॒ङ्गे सर्वा॑
ए॒व दे॒वताः॑ प्रीणाति॒ प्रच्यु॑तो॒ वा ए॒षोऽ॑स्मा॒ल्लो॒काद॑गतो
दे॒वलो॒कय्यो॑ दी॒र्खितो॑ऽन्त॒रेव॑ न॒वनी॑त॒न्तस्मा॑न्न॒वनी॒तेना॒भ्य॒ङ्गेऽनु॑
व्यावृ॑त्या॒ इन्द्रो॑ वृ॒त्रम॑ह॒न्तस्य॑ क॒नीनि॑का॒ परा॑प॒त॒त्तदा॑ञ्जनमभवद्य
च॒र्खुरे॒व भ्रातृ॑व्यस्य वृ॒ङ्गे द॒र्खिण॑म्पूर्व॒माङ्गे [5]

स॒व्य॑ हि पूर्व॑मनु॒ष्या आ॒ञ्जते॒ न नि धा॑वते नी॒व हि
मनु॒ष्या धा॑वन्ते पञ्च॒ कृत्व॒ आङ्गे पञ्चा॑खरा प॒ङ्क्तिः पाङ्क्तौ
य॒ज्ञो य॒ज्ञमे॒वाव॑ रुन्दे परि॑मित॒माङ्गेऽप॑रि॒मितः॑ हि मनु॒ष्या
आ॒ञ्जते॒ सत॑ल॒याङ्गेऽप॑तूल॒या हि मनु॒ष्या आ॒ञ्जते॒ व्यावृ॑त्त्यै
यदप॑तूल॒याञ्जीत॑ वज्रं इ॒व स्या॒त्सत॑ल॒याङ्गे मि॒त्रत्वा॑य [6]

इन्द्रो॑ वृ॒त्रम॑हन्त्सोऽ३ पोऽ३ भ्य॑म्रियत् तासा॒र्य्यन्मे॑ध्यं
य॒ज्ञियः॑ सदे॒वमासी॑त्तदपो॑द॒क्राम॑त्ते द॒र्भा अ॑भवन्
यद्द॑र्भपु॒ञ्जीलैः प॑वयति॒ या ए॒व मे॒ध्या य॒ज्ञियाः सदे॒वा
आप॑स्ताभि॒रेवैन॑म्पवयति॒ द्वाभ्या॑म्पवयत्य॒होरा॒त्राभ्या॑मे॒वैन॑म्पव
त्रि॒भिः प॑वयति॒ त्रय॑ इ॒मे लो॒का ए॒भिरे॒वैन॑ लो॒कैः प॑वयति
प॒ञ्चभिः॑ [7]

प॒व॒य॒ति पञ्चा॑खरा प॒ङ्क्तिः पाङ्क्तौ॑ य॒ज्ञो य॒ज्ञायै॒वैन॑म्पवयति
ष॒ङ्क्तिः प॑वयति॒ षड्वा ऋ॒तव॑ ऋ॒तुभि॑रे॒वैन॑म्पवयति स॒प्तभिः॑
पवयति स॒प्त छ॒न्दाँसि॑ छ॒न्दोभि॑रे॒वैन॑म्पवयति न॒वभिः॑
पवयति न॒व वै पु॑रु॒षे प्रा॒णाः स॒प्राण॑मे॒वैन॑म्पव॒
य॒त्येक॑विंशत्या पवयति॒ दश॒ ह॒स्त्या अ॒ङ्गुल॑यो दश॒
प॒द्या आ॒त्मैक॑विं॒शो यावा॑ने॒व पु॑रु॒षस्त॑मपरि॒वर्ग॑म् [8]

पुन॒र्यति॑ चि॒त्पति॑स्त्वा पुन॒र्यति॑स्त्वा मनो॒ वै
 चि॒त्पति॑र्मन॒सैवैन॑म्पवयति वा॒क्पति॑स्त्वा पुन॒र्यति॑स्त्वा
 वा॒चैवैन॑म्पवयति दे॒वस्त्वा॑ सवि॒ता पुन॒र्यति॑स्त्वा सवि॒तृप्र॑सूत
 ए॒वैन॑म्पवयति॒ तस्य॑ ते पवि॒त्रप॑ते प॒वित्रे॑ण॒ यस्मै॑ कम्पुने
 तच्छ॑केय॒मित्या॑हाशिष॑मे॒वैता॑मा शा॑स्ते॥ [9]

अ॒ग्नये॒ ता वृ॑धात्वृ॒चा स॒ख्यन्ते॑न॒ जुहो॑ति पञ्च॑दश च॥2॥

याव॑न्तो॒ वै दे॒वा य॒ज्ञाया॑पुन॒त॒ त ए॒वाभ॑वन् य ए॒वं वि॒द्वान्
 य॒ज्ञाय॑ पुनी॒ते भव॑त्ये॒व ब॒हिः प॑वयित्वान्तः प्र पा॑दयति
 मनु॑ष्यलो॒क ए॒वैन॑म्पवयित्वा पू॒तन्दे॑वलो॒कम्प्र॑णयत्यदी॒र्षित॑
 ए॒कया॑हुत्येत्या॒हुः स्रु॒वेण॒ चत॑स्रो जुहोति दी॒र्षित॑त्वाय॒ स्रु॒चा
 प॑ञ्चमी॒म्पञ्चा॑र्षरा प॒ङ्क्तिः॑ पाङ्क्तौ॒ यज्ञो॑ य॒ज्ञमे॒वाव॑ रु॒न्ध्र आकू॑त्यै
 प्र॒युजे॑ऽग्नये॑ [10]

स्वाहे॑त्या॒हाकू॑त्या॒ हि पुरु॑षो य॒ज्ञम॒भि प्र॑युङ्क्ते य॒ज्ञेये॑ति
 मे॒धायै॑ मन॒सेऽग्नये॑ स्वाहे॑त्या॒ह मे॒धया॑ हि मन॒सा पुरु॑षो
 य॒ज्ञम॒भिगच्छ॑ति॒ सर॑स्वत्यै पू॒ष्णेऽग्नये॑ स्वाहे॑त्या॒ह वा॒ग्वै
 सर॑स्वती पृथि॒वी पू॒षा वा॒चैव॑ पृथि॒व्या य॒ज्ञम्प्र॑ यु॒ङ्क्त॑ आपो॑
 दे॒वीर्बृ॑हतीर्वि॒श्वश॑म्भुव॒ इत्या॑ह॒ या वै वर्ष्या॑स्ताः [11]

आपो॑ दे॒वीर्बृ॑हतीर्वि॒श्वश॑म्भुवो॒ यदे॒तद्य॑जुर्न ब्रूयाद्वि॒व्या
 आपो॑ऽशा॒न्ता इ॒मल्लो॑कमा गच्छेयु॒रापो॑ दे॒वीर्बृ॑हतीर्वि॒श्वश॑म्भुव
 इत्या॑हा॒स्मा ए॒वैना॑ लो॒काय॑ शमयति॒ तस्मा॑च्छा॒न्ता
 इ॒मल्लो॑कमा गच्छन्ति॒ द्यावा॑पृथि॒वी इत्या॑ह द्यावा॑पृथि॒व्योर्हि
 य॒ज्ञ उ॒र्वन्तरि॑ख्यमि॒त्याहान्तरि॑ख्ये॒ हि य॒ज्ञो बृ॑हस्पति॑र्नो
 ह॒विषा॑ वृधातु [12]

इत्या॑ह ब्र॒ह्म वै दे॒वाना॑म्बृहस्पति॑र्ब्रह्म॑णैवा॒स्मै य॒ज्ञमव॑
 रुन्दे॒ यद्व्या॑द्विधे॒रिति॑ य॒ज्ञस्था॑णुमृच्छेद्वृ॒धात्वित्या॑ह
 य॒ज्ञस्था॑णुमे॒व परि॑ वृणक्ति॒ प्र॒जाप॑तिर्य॒ज्ञम॑सृजत॒
 सो॑ऽस्मात्सृष्टः॒ परा॑ङ्मै॒त्स प्र॑ य॒जुर॒ह्नीना॑त्प्र॒ साम्
 तमृ॑गुदयच्छद्यदृगुदयच्छत्तदौ॑द्ब्रह्म॑णस्यौद्ब्रह्म॑णत्वमृ॒चा [13]

जुहोति॑ य॒ज्ञस्योद्य॑त्या अनु॒ष्टुप्छन्द॑सामुदयच्छदित्या॑हुस्तस्मा॑
 जुहोति॑ य॒ज्ञस्योद्य॑त्यै द्वा॒दश॑ वा॒त्सब॑न्धान्युदयच्छन्नित्या॑हुस्तस्मा॑
 दी॒र्ख्यय॑न्ति॒ सा वा॑ ए॒षर्ग॑नुष्टु॒ग्वाग॑नुष्टु॒ग्यदे॒तय॑र्चा दी॒र्ख्यय॑ति
 वा॒चैवै॒न॒२ सर्व॑या दी॒र्ख्यय॑ति॒ विश्वे॑ दे॒वस्य॑ ने॒तुरि॑त्या॒ह
 सावि॒त्र्यैते॑न॒ मर्तो॑ वृणीत॒ सख्य॑म् [14]

इत्याह पितृदेवत्यैतेन विश्वे राय इषुध्यसीत्याह
 वैश्वदेव्यैतेन द्युम्नं वृणीत पुष्यस इत्याह पौष्ण्यैतेन सा
 वा एषर्क्सर्वदेवत्या यदेतयर्चा दीर्खयति सर्वाभिरेवैनं
 देवताभिर्दीर्खयति सप्तारखरम्प्रथमम्पदमष्टारखराणि त्रीणि
 यानि त्रीणि तान्यष्टावुपं यन्ति यानि चत्वारि तान्यष्टौ
 यदष्टारखरा तेन [15]

गायत्री यदेकादशाखरा तेन त्रिष्टुग्यद्वादशाखरा तेन
 जगती सा वा एषर्क्सर्वाणि छन्दांसि यदेतयर्चा दीर्खयति
 सर्वेभिरेवैनं छन्दाभिर्दीर्खयति सप्तारखरम्प्रथमम्पदं
 सप्तपदा शक्करी पशवः शक्करी पशूनेवाव रुन्छ
 एकस्मादखरादनामप्रथमम्पदन्तस्माद्यद्वाचोऽनामन्तन्मनुष्या
 उप जीवन्ति पूर्णया जुहोति पूर्ण इव हि प्रजापतिः
 प्रजापतेरास्यै न्यूनया जुहोति न्यूनाद्धि प्रजापतिः प्रजा
 असृजत प्रजानां सृष्ट्यै॥ [16]

रुन्ध एष तस्माच्छरमयी यूपस्तूर्तीयमिधुनत्वाय जन्म हस्तेनाष्टाचत्वारिंशच्च॥3॥

ऋक्सामे वै देवेभ्यो यज्ञायातिष्ठमाने कृष्णो
 रूपं कृत्वापक्रम्यातिष्ठतान्तेऽमन्यन्त यं वा इमे

उपाव॒थ्स्य॑तः स इ॒दं भ॑विष्य॒तीति॑ ते उपा॑मन्नयन्त॒ ते
अ॒होरा॒त्रयो॑र्महि॒मानं॑मपनि॒धाय॑ दे॒वानु॑पाव॑र्तेतामेष वा ऋ॒चो
वर्णो॑ यच्छु॒क्लं कृ॑ष्णाजि॒नस्यै॑ष साम्नो॒ यत्कृ॑ष्णमृ॒क्साम॑योः
शिल्पे॑ स्थ॒ इत्या॑ह॒र्क्सा॒मे ए॒वाव॑ रुन्ध ए॒षः [17]

वा अ॒हो वर्णो॑ यच्छु॒क्लं कृ॑ष्णाजि॒नस्यै॑ष रात्रि॑या
यत्कृ॑ष्णं यदे॒वैन॑यो॒स्तत्र॒ न्य॑क्तं तदे॒वाव॑ रुन्धे कृ॑ष्णाजि॒नेन॑
दी॒र्क्षय॑ति ब्र॒ह्म॑णो॒ वा ए॒तद्रूपं॑ यत्कृ॑ष्णाजि॒नम्ब्र॑ह्म॒णैवैनं॑
दी॒र्क्षय॑ती॒मान्धिय॑ ५ शि॒र्क्षमा॑णस्य दे॒वेत्या॑ह यथा॒यजु॑रे॒वैतद्गर्भो॑
वा ए॒ष यद्दी॑र्क्षि॒त उ॒ल्बं वा॒सः प्रो॑र्णु॒ते तस्मा॑त् [18]

गर्भाः॒ प्रावृ॑ता जायन्ते॒ न पुरा॑ सोम॑स्य ऋ॒यादपो॑र्णीत॒
यत्पुरा॑ सोम॑स्य ऋ॒यादपो॑र्णीत॒ गर्भाः॑ प्र॒जाना॑म॒परा॒पातु॑काः
स्युः क्री॒ते सोमेऽपो॑र्णु॒ते जाय॑त ए॒व तदथो॒ यथा॑
वसी॑या ५ सम्प्रत्यपो॑र्णु॒ते ता॒दृगे॒व तदङ्गि॑रसः सुव॒र्गं
लो॒कय्य॑न्त॒ ऊर्जं॑ व्य॒भज॑न्त॒ ततो॑ यद॒त्यशि॑ष्यत॒ ते श॒रा
अ॒भव॒न्नूर्ग्वै श॒रा यच्छ॑र॒मयी॑ [19]

मे॒खला॒ भव॑त्यूर्जमे॒वाव॑ रुन्धे म॒ध्यतः॑ सन्न॑ह्यति म॒ध्यत॑
ए॒वास्मा॒ ऊर्जं॑ दधाति॒ तस्मा॑न्म॒ध्यत॑ ऊ॒र्जा भु॑ञ्जत ऊ॒र्ध्वं

वै पुरुषस्य नाभ्यै मेध्यमवाचीनममेध्यं यन्मध्यतः संनह्यति
मेध्यं चैवास्यामेध्यं च व्यावर्तयतीन्द्रो वृत्राय वज्रम्प्राहरत्स
त्रेधा व्यभवत्स्फ्यस्तृतीयं रथस्तृतीयं यूपस्तृतीयम् [20]

येऽन्तःशरा अशीर्यन्त ते शरा अभवन्तच्छुराणां
शरत्ववज्रो वै शराः ख्युत्खलु वै मनुष्यस्य भ्रातृव्यो
यच्छरमयी मेखला भवति वज्रेणैव साख्यात्ख्युधुम्भ्रातृव्यम्मध्यतो
हते त्रिवृद्धवति त्रिवृद्धे प्राणस्त्रिवृतमेव प्राणम्मध्यतो
यजमाने दधाति पृथ्वी भवति रज्जुनाव्यावृत्त्यै मेखलया
यजमानन्दीख्ययति योक्त्रेण पत्नीममिथुनत्वाय [21]

यज्ञो दखिषणामभ्यध्यायत्तां समभवत्तदिन्द्रोऽचायत्सोऽमन्य
यो वा इतो जनिष्यते स इदम्भविष्यतीति ताम्प्राविशत्तस्या
इन्द्र एवाजायत सोऽमन्यत यो वै मदितोऽपरो जनिष्यते
स इदम्भविष्यतीति तस्या अनुमृश्य योनिमाच्छिनत्सा
सूतवंशाभवत्तत्सूतवंशायै जन्म [22]

तां हस्ते न्यवेष्टयत् ताम्मृगेषु न्यदधात्सा
कृष्णविषाणाभवदिन्द्रस्य योनिरसि मा मा हिंसीरिति
कृष्णविषाणाम्प्र यच्छति सयोनिमेव यज्ञं करोति
सयोनिन्दखिषणां सयोनिमिन्द्रं सयोनित्वायै कृष्यै त्वा

सुस॒स्याया॒ इत्या॑ह॒ तस्मा॑दकृष्टप॒च्या ओष॑धयः पच्यन्ते
 सुपिप्प॒लाभ्य॒स्त्वौष॑धीभ्य॒ इत्या॑ह॒ तस्मा॑दोष॒धयः॒ फलं॑
 गृह्णन्ति॒ यद्ध॑स्तेन [23]

क॒ण्डूयेत॑ पामन॒म्भावु॑काः प्र॒जाः स्युर्य॑थस्मयेत
 न॒ग्नम्भा॑वुकाः कृष्णविषा॒णया॑ कण्डूयतेऽपि॒गृह्य॑ स्मयते
 प्र॒जानां॑ गोपी॒थाय॒ न पु॒रा द॑खिषि॒णाभ्यो॒ नेतोः॑ कृष्णविषा॒णामव॑
 चृते॒द्यत्पु॒रा द॑खिषि॒णाभ्यो॒ नेतोः॑ कृष्णविषा॒णामव॑चृतेद्योनिः
 प्र॒जानाम्प॑रा॒पातु॑का स्यान्नी॒तासु॒ द॑खिषि॒णासु॒ चात्वा॑ले
 कृष्णविषा॒णाम्प्रा॑स्यति॒ योनि॑र्वै य॒ज्ञस्य॒ चात्वा॑लय्योनिः
 कृष्णविषा॒णा योना॑वेव योनि॒न्दधा॑ति य॒ज्ञस्य॑ सयोनि॒त्वाय॑॥
 [24]

भुञ्जतेऽयच्छिन्त्याद्वन्धेऽग्निराह देव इयं देवताभ्य आ त्रयस्त्रिंशच्च॥4॥

वाग्वै दे॒वेभ्यो॑ऽपा॑क्रामद्यज्ञायातिष्ठमा॒ना सा वन॒स्पती॒न्प्रावि॑श
 वाग्वन॒स्पति॑षु वदति॒ या दु॑न्दु॒भौ या तू॑णवे॒ या
 वीणा॑या॒य्यँदी॑खितद॒ण्डम्प्र॑यच्छति॒ वाच॑मे॒वाव॑ रु॒द्ध
 औदु॑म्बरो भवत्यू॒र्ग्वौ उ॑दु॒म्बर॒ ऊ॒र्जमे॒वाव॑ रु॒द्धे मुखे॑न
 सम्मि॑तो भवति मुख॒त ए॒वास्मा॒ ऊ॒र्जं द॑धाति॒ तस्मा॑न्मुख॒त

ऊर्जा भुञ्जते [25]

क्री॒ते सोमे॑ मै॒त्रावरु॑णाय॑ द॒ण्डम्प्र॑ यच्छति॑ मै॒त्रावरु॑णो
हि पु॒रस्ता॑दृ॒त्विग्भ्यो॑ वाचं॑ वि॒भज॑ति॒ तामृ॑त्विजो॒ यज॑माने॒
प्रति॑ ष्ठापयन्ति॒ स्वाहा॑ य॒ज्ञम्मन॑सेत्या॒ह मन॑सा॒ हि
पुरु॑षो य॒ज्ञम॑भिगच्छति॒ स्वाहा॑ द्यावा॑पृथि॒वीभ्या॑मित्या॒ह
द्यावा॑पृथि॒व्योर्हि॑ य॒ज्ञः स्वा॑हो॒रोर॑न्तरि॒ख्यादि॑त्या॒हान्तरि॑ख्ये॒
हि य॒ज्ञः स्वाहा॑ य॒ज्ञं वा॒तादा॑र॒भ इत्या॑हायम् [26]

वाव॑ यः पव॑ते॒ स य॒ज्ञस्तमे॑व सा॒ख्यादा॑ र॒भते॑ मु॒ष्टी
क॑रोति॒ वाचं॑ यच्छति॑ य॒ज्ञस्य॑ धृ॒त्या अदी॑र्खि॒ष्टाय॑म॒ब्राह्म॑ण
इति॑ त्रि॒रुपा॑श्वा॒ह दे॒वेभ्य॑ ए॒वैन॑म॒प्राह॑ त्रि॒रुच्चै॑रु॒भये॑भ्य ए॒वेन॑
दे॒वमनु॑ष्येभ्यः प्राह॑ न पु॒रा न॒ख्यत्रे॑भ्यो॒ वाचं॑ वि सृ॒जेद्य॑त्पु॒रा
न॒ख्यत्रे॑भ्यो॒ वाचं॑ वि॒सृजे॑द्य॒ज्ञं विच्छि॑न्ध्यात् [27]

उदि॑तेषु॒ न॒ख्यत्रे॑षु॒ व्रतं॑ कृ॒णुते॑ति॒ वाचं॑ वि सृ॒जति॑
य॒ज्ञव्र॑तो॒ वै दी॑र्खि॒तो य॒ज्ञमे॒वाभि॑ वाचं॑ वि सृ॒जति॑ यदि॑
वि॒सृजे॑द्वै॒ष्णवी॑मृ॒चम॑नु॒ ब्रू॒याद्य॑ज्ञो॒ वै वि॒ष्णुर्य॑ज्ञे॒नैव॑ य॒ज्ञः
सं त॑नोति॒ दैवी॑न्धिय॑म्मनाम॒ह इत्या॑ह य॒ज्ञमे॒व तन्म॑दयति॒
सुपा॒रा नो॑ अ॒सद्व॑श॒ इत्या॑ह व्यु॒ष्टिमे॒वाव॑ रु॒द्धे [28]

ब्रह्मवादिनो वदन्ति होतव्यं दीर्घितस्य गृहा(३)इ न
 होतव्या(३)मिति हविर्वै दीर्घितो यजुहुयाद्यजमानस्यावदाय
 जुहुयाद्यन्न जुहुयाद्यज्ञपरुरन्तरियाद्ये देवा मनोजाता
 मनोयुज इत्याह प्राणा वै देवा मनोजाता मनोयुजस्तेष्वेव
 परोर्ष्य जुहोति तन्नेव हुतं नेवाहुतः स्वपन्तं वै दीर्घितः
 ररष्यांसि जिघांसन्त्यग्निः [29]

खलु वै ररष्योहाग्ने त्वं सु जांगृहि वयं
 सु मन्दिषीमहीत्याहाग्निमेवाधिपां कृत्वा स्वपिति
 ररष्यसामपहत्या अब्रत्यमिव वा एष करोति यो
 दीर्घितः स्वपिति त्वमग्ने व्रतपा असीत्याहाग्निर्यै देवानां
 व्रतपतिः स एवैनं व्रतमालम्भयति देव आ मर्त्येष्वेत्याह
 देवः [30]

ह्येष सन्मर्त्येषु त्वं यज्ञेष्वीड्य इत्याहेतः हि यज्ञेष्वीड्यतेऽप
 वै दीर्घितात्सुषुपुषं इन्द्रियं देवताः कामन्ति विश्वे देवा अभि
 मामाववृत्रन्नित्याहेन्द्रियेणैवैनं देवताभिः सं नयति यदेतद्यजुर्न
 ब्रूयाद्यावत एव पशून्भि दीर्घेत तावन्तोऽस्य पशवः स्यू
 रास्वेयत् [31]

सो॒मा भू॒यो भ॒रेत्या॒हाप॑रि॒मिताने॒व प॒शून॑वं रु॒न्दे च॒न्द्रम॑सि
मम॒ भोगा॑य भ॒वेत्या॒ह यथा॑दे॒वतमे॒वैनाः॑ प्र॒ति गृ॑ह्णाति वा॒यवे॑
त्वा व॑रु॒णाय॒ त्वेति॑ यदे॒वमे॒ता नानु॑दि॒शेदय॑थादे॒वतं
द॒खिषि॑णा गमये॒दा दे॒वता॑भ्यो वृ॒श्चेत॒ यदे॒वमे॒ता अनु॑दि॒शति॑
यथा॑दे॒वतमे॒व द॒खिषि॑णा गमयति॒ न दे॒वता॑भ्य॒ आ [32]

वृ॒श्चे॒ते दे॒वीरा॑पो अ॒पां न॒पादि॒त्याह॒ यद्वो मे॒ध्यं य॒ज्ञिय॑
सदे॒वं तद्वो मा॒वं क्र॒मिष॑मिति॒ वावै॑तदा॒हाच्छि॑न्नं तन्तु॑म्पृथि॒व्या
अनु॑ गे॒षमि॒त्याह॒ सेतु॑मे॒व कृ॒त्वात्यै॑ति॥ [33]

प्रजा॑त्यै पश्यत्यन्याजवच्चजमानोऽनु पुरोनुवाक्यास्ता अष्टौ च॥5॥

दे॒वा वै दे॒वय॑ज॒नम॒ध्यव॑साय॒ दिशो॑ न प्रा॒जान॑न्तेऽ३
न्यो॑न्यमु॒पाधा॑व॒न्त्वया॒ प्र जा॑नाम॒ त्वये॑ति॒ तेऽदि॑त्या॒
सम॑ध्रियन्त॒ त्वया॒ प्र जा॑ना॒मेति॑ सा॒ब्रवी॑द्वरं वृ॒णै म॒त्प्रा॑यणा
ए॒व वो य॑ज्ञा म॒दुद॑यना अ॒सन्नि॑ति॒ तस्मा॑दा॒दित्यः॑ प्रा॒यणी॑यो
य॒ज्ञाना॑मा॒दित्य॑ उ॒दय॑नीयः प॒ञ्च दे॒वता॑ यजति॒ पञ्च॑ दि॒शो
दि॒शाम्प्रजा॑त्यै [34]

अथो॑ पञ्चा॒खरा॑ प॒ङ्क्तिः॑ पाङ्क्तो॑ य॒ज्ञो य॒ज्ञमे॒वाव॑ रु॒न्दे
प॒थ्याः॑ स्व॒स्तिम॑यज॒न्प्राची॑मे॒व तया॑ दि॒शम्प्रा॑जान॒न्नग्नि॑ना

दखिषुणा सोमेन प्रतीचीः सवित्रोदीचीमदित्योर्ध्वाम्पथ्याः
 स्वस्तिं यजति प्राचीमेव तया दिशम्प्र जानाति पथ्याः
 स्वस्तिमिद्धाग्नीषोमौ यजति चख्षुषी वा एते यज्ञस्य
 यदग्नीषोमौ ताभ्यामेवानु पश्यति [35]

अग्नीषोमाविद्धा सवितारं यजति सवितृप्रसूत एवानु
 पश्यति सवितारमिद्धादिति यजतीयं वा अदितिरस्यामेव
 प्रतिष्ठायानु पश्यत्यदितिमिद्धा मारुतीमृचमन्वाह मरुतो
 वै देवानां विंशो देवविंशं खलु वै कल्पमानम्मनुष्यविंश-
 मनु कल्पते यन्मारुतीमृचमन्वाह विंशां क्लृप्त्यै ब्रह्मवादिनो
 वदन्ति प्रयाजवदननूयाजम्प्रायणीयं कार्यमनूयाजवत् [36]

अप्रयाजमुदयनीयमितीमे वै प्रयाजा अमी अनूयाजाः
 सैव सा यज्ञस्य संततिस्तत्तथा न कार्यमात्मा वै प्रयाजाः
 प्रजानूयाजा यत्प्रयाजानन्तरियादात्मानमन्तरियाद्यदनूयाजानन्-
 खलु वै यज्ञस्य विततस्य न क्रियते तदनु यज्ञः परा भवति
 यज्ञम्पराभवन्तं यजमानोऽनु [37]

परा भवति प्रयाजवदेवानूयाजवत्प्रायणीयं कार्यम्प्रयाजवदन-
 नात्मानमन्तरेति न प्रजां न यज्ञः पराभवति न यजमानः

प्रायणीयस्य निष्कास उदयनीयमभि निर्वपति सैव सा
 यज्ञस्य संततिर्याः प्रायणीयस्य याज्या यत्ता उदयनीयस्य
 याज्याः कुर्यात्पराङ्मुं लोकमा रोहेत्प्रमायुकः स्याद्वाः
 प्रायणीयस्य पुरोनुवाक्यास्ता उदयनीयस्य याज्याः
 करोत्यस्मिन्नेव लोके प्रति तिष्ठति॥ [38]

निष्क्रीणीष्व दखिणाभिश्च वदन्ति मन्यन्ते गन्धर्वभ्यो बृहतयाः पिङ्गाख्या दशं च॥6॥

कद्रूश्च वै सुपर्णी चात्मरूपयोरस्पर्धेताः सा कद्रूः
 सुपर्णीमजयत्साब्रवीत्तृतीयस्यामितो दिवि सोमस्तमा हर
 तेनात्मानं निष्क्रीणीष्वेतीयं वै कद्रूरसौ सुपर्णी छन्दांसि
 सौपर्ण्याः साब्रवीदस्मै वै पितरौ पुत्रान्बिभृतस्तृतीयस्यामितो
 दिवि सोमस्तमा हर तेनात्मानं निष्क्रीणीष्व [39]

इति मा कद्रूरवोचदिति जगत्युदपतच्चतुर्दशाख्वरा
 सती साप्राप्य न्यवर्तत तस्यै द्वे अख्वरे अमीयेताः सा
 पशुभिश्च दीख्वया चागच्छत्तस्माज्जगती छन्दसाम्पशव्यतमा
 तस्मात्पशुमन्तं दीख्वोप नमति त्रिष्टुगुदपतत्रयोदशाख्वरा
 सती साप्राप्य न्यवर्तत तस्यै द्वे अख्वरे अमीयेताः सा
 दखिणाभिश्च [40]

तपसा चागच्छत्तस्मात्त्रिष्टुभौ लोके माध्यंदिने सवने
 दखिणा नीयन्त एतत्खलु वाव तप इत्याहुर्यः स्वं
 ददातीति गायत्र्युदपतच्चतुरखरा सत्यजया ज्योतिषा
 तमस्या अजाभ्यरुन्ध तदजाया अजत्वः सा सोमं
 चाहरच्चत्वारि चारखराणि साष्टाखरा समपद्यत ब्रह्मवादिनो
 वदन्ति [41]

कस्मात्सत्याद्वायत्री कनिष्ठा छन्दसाः सती
 यज्ञमुखम्परीयायेति यदेवादः सोममाहरत्तस्माद्यज्ञमुखम्पर्यैत्
 तस्मात्तेजस्विनीतमा पद्भ्यां द्वे सवने समगृह्णान्मुखेनैकय्यन्मुखेन
 समगृह्णत्तदधयत्तस्माद्वे सवने शुक्रवती प्रातःसवनं च
 माध्यंदिनं च तस्मात्तृतीयसवनं ऋजीषमभि पुण्वन्ति
 धीतमिव हि मन्यन्ते [42]

आशिरमव नयति सशुक्रत्वायाथो सम्भरत्येवैनत्तः
 सोममाह्रियमाणं गन्धर्वो विश्वावसुः पर्यमुष्णात्स तिस्रो
 रात्रीः परिमुषितोऽवसत्तस्मात्तिस्रो रात्रीः क्रीतः सोमो वसति
 ते देवा अब्रुवन्ऋकामा वै गन्धर्वाः स्त्रिया निष्क्रीणामेति ते
 वाचः स्त्रियमेकहायनीं कृत्वा तया निरक्रीणन्त्सा रोहिद्रूपं

कृत्वा गन्धर्वेभ्यः [43]

अपक्रम्यातिष्ठत्तद्रोहितो जन्म ते देवा अब्रुवन्नप
युष्मदक्रमीन्नास्मानुपावर्तते वि ह्वयामहा इति ब्रह्म गन्धर्वा
अवदन्नगायन्देवाः सा देवान्गायत उपावर्तत तस्माद्गायन्तः
स्त्रियः कामयन्ते कामुका एनः स्त्रियो भवन्ति य एवं
वेदाथो य एवं विद्वानपि जन्येषु भवति तेभ्य एव ददत्युत
यद्वहतायाः [44]

भवन्त्येकहायन्या क्रीणाति वाचैवैनः सर्वया क्रीणाति
तस्मादेकहायना मनुष्या वाच वदन्त्यकूटयाऽकर्णयाऽ
काणयाऽश्लोणयाऽसप्तशफया क्रीणाति सर्वयैवैनं क्रीणाति
यच्छ्वेतया क्रीणीयाद्दुश्चर्मा यजमानः स्याद्यत्कृष्णयानुस्तरणी
स्यात्प्रमायुको यजमानः स्याद्यद्विरूपया वात्रघ्नी स्यात्स
वान्यं जिनीयात्तं वान्यो जिनीयादरुणया पिङ्गाख्या
क्रीणात्येतद्वै सोमस्य रूपः स्वयैवैनं देवतया क्रीणाति॥
[45]

सतनुर्विण्व इत्याह सुमारोहति ध्यायति तद्वाचा यजमानः स्यात्करोति कूरो वेदः॥7॥

तद्धिरण्यमभवत्तस्माद्द्व्यो हिरण्यम्पुनन्ति ब्रह्मवादिनो

वदन्ति॒ कस्मा॑त्स॒त्याद॑न॒स्थिके॑न प्र॒जाः प्र॒वीय॑न्तेऽ-
 स्थ॒न्वती॑र्जायन्त॒ इति॒ यद्धि॑रण्यं घृ॒तेऽव॑धाय॒ जुहोति॑
 तस्मा॑दन॒स्थिके॑न प्र॒जाः प्र॒वीय॑न्तेऽस्थ॒न्वती॑र्जायन्त॒ एत॒द्वा
 अ॒ग्नेः प्रि॒यं धाम॒ यद्धृ॑तं तेजो॒ हिर॑ण्यमि॒यं ते शुक्र॑ त॒नूरि॑दं
 वर्च॑ इत्या॒ह स॑ते॒जस॑मे॒वैन॒ः सत॑नुम् [46]

क॒रोत्य॑थो॒ सम्भ॑रत्ये॒वैन॒र्य्यद॑बद्धमवद्ध्य॒द्गर्भाः॑ प्र॒जाना॑म॒परा॑ण॒
 स्यु॑र्बद्धमव॑ दधाति॒ गर्भा॑णां धृ॒त्यै नि॑ष्ट॒कर्म॑भ्राति
 प्र॒जाना॑म॒प्रज॑न॒नाय॒ वाग्वा॑ ए॒षा य॑त्सो॒मक्र॑यणी॒ जूर॑सीत्या॒ह
 यद्धि॑ मन॑सा॒ जव॑ते॒ तद्वा॒चा व॑दति धृ॒ता मन॑सेत्या॒ह मन॑सा॒
 हि वाग्धृ॑ता जु॒ष्टा वि॑ष्णाव॒ इत्या॑ह [47]

य॒ज्ञो वै वि॑ष्णु॒र्यज्ञा॑यै॒वैनां॑ जु॒ष्टां करो॑ति॒ तस्या॑स्ते
 स॒त्यस॑वसः प्रस॒व इत्या॑ह स॒वितृ॑प्र॒सूता॑मे॒व वाच॑मव॑ रु॒द्धे
 काण्डे॑काण्डे॒ वै क्रि॒यमा॑णे य॒ज्ञः र॒ख्यांसि॑ जिघा॑ंसन्त्ये॒ष
 खलु॑ वा अ॒र॒खो॒हतः॑ पन्था॒ योऽग्ने॑श्च॒ सूर्य॑स्य च॒ सूर्य॑स्य
 च॒ख॒षुरा॑रु॒हम॑ग्नेर॒ख्याः क॒नी॒निका॑मित्या॒ह य ए॒वार॑र॒खो॒हतः॑
 पन्था॑स्त॒ः स॒मारो॑हति [48]

वाग्वा॑ ए॒षा य॑त्सो॒मक्र॑यणी॒ चिद॑सि म॒नासी॑त्या॒ह

शास्त्येवैनान्मेतत्तस्माच्छ्लिष्टाः प्रजा जायन्ते चिदसीत्याहु
 यद्धि मनसा चेतयन्ते तद्वाचा वदन्ति मनासीत्याहु यद्धि
 मनसाभिगच्छन्ति तत्करोति धीरसीत्याहु यद्धि मनसा
 ध्यायन्ति तद्वाचा [49]

वदन्ति दखिषणासीत्याहु दखिषणा ह्येषा यज्ञियासीत्याहु
 यज्ञियामेवैनान् करोति रक्षत्रियासीत्याहु रक्षत्रिया
 ह्येषादितिरस्युभयतः शीर्ष्णीत्याहु यदेवादित्यः प्रायणीयो
 यज्ञानामादित्य उदयनीयस्तस्मादेवमाहु यदबद्धा स्यादयन्ता
 स्याद्यत्पदिबद्धानुस्तरणी स्यात्प्रमायुको यजमानः स्यात्
 [50]

यत्कर्णगृहीता वार्त्रघ्नी स्यात्स वान्यं जिनीयात्तं
 वान्यो जिनीयान्मित्रस्त्वां पदि बध्नात्वित्याहु मित्रो
 वै शिवो देवानान्तेनैवैनाम्पदि बध्नाति पूषाध्वनः
 पात्वित्याहेयं वै पूषेमामेवास्या अधिपामकस्समष्ट्या
 इन्द्रायाध्यख्यायेत्याहेन्द्रमेवास्या अध्यख्यं करोति [51]

अनु त्वा माता मन्यतामनु पितेत्याहानुमतयैवैनया
 क्रीणाति सा देवि देवमच्छेहीत्याहु देवी ह्येषा देवः सोम
 इन्द्राय सोममित्याहेन्द्राय हि सोम आह्रियते यदेतद्यजुर्न

ब्रूयात्परा॑च्ये॒व सोम॑क्रय॒णीयाद्रु॑द्रस्त्वा वर्तय॒त्वित्या॑ह रु॒द्रो वै
क्रूरः [52]

दे॒वाना॑न्तमे॒वास्यै॑ प॒रस्ता॑द्वधा॒त्यावृ॑त्त्यै क्रूरमि॑व वा
ए॒तत्क॑रोति॒ यद्रु॑द्रस्य॑ की॒र्तय॑ति मि॒त्रस्य॑ प॒थेत्या॑ह शान्त्यै॑
वा॒चा वा ए॒ष वि क्री॑णीते॒ यः सोम॑क्रय॒ण्या स्व॑स्ति
सोम॑सखा पु॒नरेहि॑ सह र॒य्येत्या॑ह वा॒चैव वि॒क्रीय॑
पुन॑रा॒त्मन्वाचं॑ ध॒त्तेऽनु॑पदासुकास्य॒ वाग्भ॑वति॒ य एवं वेद॑॥
[53]

महि॒मानु॑ः स्वाहाप॑हत्या अध्व॒र्युर्धाय॑ते चतुर्वि॑H॒शतिश्च॑॥8॥

षट्प॑दान्यनु॒ नि क्रा॑मति॒ षड॑हं वाङ्गाति॑ वदत्यु॒त
संव॑त्सरस्याय॒ने याव॑त्ये॒व वाक्ताम॑व॒ रुन्दे॑ सप्त॒मे प॒दे
जु॑होति स॒प्तप॑दा॒ शक्क॑री प॒शवः॑ शक्क॑री प॒शूने॒वाव॑ रुन्दे॑ स॒प्त
ग्रा॒म्याः प॒शवः॑ स॒प्तार॑ण्याः स॒प्त छ॒न्दाः स्यु॑भय॒स्याव॑रु॒द्धौ
वस्व्य॑सि रु॒द्रासी॑त्या॒ह रू॒पमे॒वास्या॑ ए॒तन्म॑हि॒मानम् [54]

व्याच॑ष्टे बृह॒स्पति॑स्त्वा सु॒म्ने र॑ण्व॒त्वित्या॑ह ब्रह्म॒ वै
दे॒वाना॑म्बृह॒स्पति॑र्ब्रह्म॒णैवास्मै॑ प॒शून॑व॒ रुन्दे॑ रु॒द्रो वसु॑भिरा
चि॑के॒त्वित्या॑हावृ॒त्त्यै पृथि॒व्यास्त्वा॑ मूर्ध॒न्ना जि॑घर्मि॒ देव॒यज॑न्

इत्याह पृथिव्या ह्येष मूर्धा यदेवयजनमिडायाः पद
इत्याहेडाये ह्येतत्पदं यत्सोमक्रयण्यै घृतवति स्वाहा [55]

इत्याह यदेवास्यै पदाद्धृतमपीड्यत् तस्मादेवमाह
यदध्वर्युरनग्नावाहुतिं जुहुयादन्धोऽध्वर्युः स्याद्रख्यांसि
यज्ञः हन्युरहिरण्यमुपास्य जुहोत्यग्निवत्येव जुहोति
नान्धोऽध्वर्युर्भवति न यज्ञः रख्यांसि घ्नन्ति काण्डेकाण्डे
वै क्रियमाणे यज्ञः रख्यांसि जिघांसन्ति परिलिखितः
रख्यः परिलिखिता अरातय इत्याह रख्यंसामपहत्यै [56]

इदमहः रख्यंसो ग्रीवा अपि कृन्तामि योऽस्मान्द्वेष्टि यं
च वयं द्विष्म इत्याह द्वौ वाव पुरुषौ यं चैव द्वेष्टि यश्चैनं
द्वेष्टि तयोरेवानन्तरायं ग्रीवाः कृन्तति पशवो वै सोमक्रयण्यै
पदय्यावत्तमूतः सं वपति पशूनेवाव रुद्धेऽस्मे राय इति सं
वपत्यात्मानमेवाध्वर्युः [57]

पशुभ्यो नान्तरैति त्वे राय इति यजमानाय प्र यच्छति
यजमान एव रयिन्दधाति तोते राय इति पत्निया अर्धो
वा एष आत्मनो यत्पत्नी यथा गृहेषु निधत्ते तादृगेव
तत्त्वष्टीमती ते सपेयेत्याह त्वष्टा वै पशूनाम्मिथुनानाः

रूपकृद्रूपमेव पशुषु दधात्यस्मै वै लोकाय गार्हपत्य आ
 धीयतेऽमुष्मा आहवनीयो यद्गार्हपत्य उपवपेदस्मिल्लोके
 पशुमान्स्याद्यदाहवनीयेऽमुष्मिल्लोके पशुमान्स्यादुभयोरुप
 वपत्युभयोरेवैनल्लोकयोः पशुमन्तं करोति॥ [58]

इतरम्पशुमान्स्याद्यात्यनसोऽध्वगन्तुष्णीः संवदित्येवै त्रयस्त्रिः शब्दः॥9॥

ब्रह्मवादिनो वदन्ति विचित्यः सोमा (३) न विचित्या
 (३) इति सोमो वा ओषधीनाः राजा तस्मिन् यदापन्नं
 ग्रसितमेवास्य तद्यद्विचिनुयाद्यथास्याद्ग्रसितं निष्विदति
 तादृगेव तद्यन्न विचिनुयाद्यथाख्यन्नापन्नं विधावति
 तादृगेव तत्खोर्धुकोऽध्वर्युः स्यात्खोर्धुको यजमानः
 सोमविक्रयिन्सोमः शोधयेत्येव ब्रूयाद्यदीतरम् [59]

यदीतरमुभयेनैव सोमविक्रयिणमर्पयति तस्मात्सोमविक्रयी
 खोर्धुकोऽरुणो ह स्माहौपवेशिः सोमक्रयण एवाहं
 तृतीयसवनमव रुन्ध इति पशूनां चर्मन्मिमीते पशूनेवाव
 रुद्धे पशवो हि तृतीयः सवनय्यङ्गामयेतापशुः
 स्यादित्यृख्यतस्तस्य मिमीतुर्ख्यं वा अपशव्यमपशुरेव
 भवति यं कामयेत पशुमान्स्यात् [60]

इति लोम॒तस्तस्य॑ मिमी॒तैतद्वै॑ प॒शूना॑ ५ रू॒पः ५ रू॒पेणै॒वास्मै॑
 प॒शून॑व॒ रुन्दे॑ पशु॒माने॒व भ॑वत्य॒पामन्ते॑ क्रीणाति॒ सर॑समे॒वैनं॑
 क्रीणात्य॒मात्यो॒ऽसीत्या॑हा॒मैवैनं॑ कुरुते शुक्र॒स्ते ग्र॑ह इत्या॑ह
 शुक्रो ह्य॑स्य॒ ग्रहो॒ऽन॒साच्छ॑ याति महि॒मान॑मे॒वास्याच्छ॑
 यात्यन॑सा [61]

अच्छ॑ याति॒ तस्मा॑दनोवा॒ह्यः ५ स॒मे जी॒वन॒य्यत्र॒ खलु॒ वा
 ए॒तः ५ शी॒र्ष्णा हर॑न्ति॒ तस्मा॑च्छी॒र्षहार्यं॑ गि॒रौ जी॒वन॒म॒भि
 त्यं दे॒वः ५ संवि॒तार॒मित्यति॑च्छन्दस॒र्चा मिमी॒तेऽति॑च्छन्दा॒ वै
 सर्वा॑णि॒ छन्दा॑ः॒सि सर्वे॑भिरे॒वैनं॒ छन्दा॑भिर्मिमीते॒ वर्ष्म॒
 वा ए॒षा छन्दा॑सां॒ यदति॑च्छन्दा॒ यदति॑च्छन्दस॒र्चा मिमी॒ते
 वर्ष्मै॒वैनः॑ स॒माना॑नां॒ करो॒त्येक॑यैकयो॒त्सर्ग॑म् [62]

मिमी॒तेऽया॑तयाम्नि॒याया॑तयाम्नि॒यैवैनं॑मिमीते॒ तस्मा॑न्ना॒नावी॒य
 अ॒ङ्गुल॑यः सर्वा॑स्वङ्गु॒ष्ठमु॒प॒ नि गृ॑ह्णाति॒ तस्मा॑त्स॒माव॑द्दीर्यो॒ऽन्याभि॑
 अनु॒ सं च॑रति॒ यत्स॑ह सर्वा॑भिर्मिमी॒त सः॑ श्लि॒ष्टा अ॒ङ्गुल॑यो
 जायेर॒न्नेक॑यैकयो॒त्सर्ग॑मिमीते॒ तस्मा॑द्विभ॑क्ता जायन्ते॒ पञ्च॒
 कृत्वो॒ यजु॑षा मिमीते॒ पञ्चा॑खरा प॒ङ्क्तिः॒ पाङ्क्तौ॑ य॒ज्ञो

य॒ज्ञमे॒वाव॑ रु॒द्धे प॒ञ्च कृ॒त्वंस्तू॒ष्णीम् [63]

द॒श स॒म्पद्य॑न्ते द॒शा॒खरा॑ वि॒राड॒न्नं वि॒राड्वि॒राजै॑वान्नाद्य॒मव॑
रु॒द्धे यद्य॑जु॒षा मि॒मी॑ते भू॒तमे॒वाव॑ रु॒द्धे यत्तू॒ष्णीम्भ॑विष्यद्यद्वै
तावा॑ने॒व सोमः॑ स्याद्याव॑न्त॒म्मिमी॑ते यज॑मानस्यै॒व स्यान्नापि॑
सद॒स्या॑नाम्प्र॒जाभ्य॑स्त्वेत्युप॑ समू॒हति॑ सद॒स्या॑ने॒वान्वाभ॑जति
वा॒स॒सोप॑ न॒ह्यति॑ सर्व॑दे॒वत्य॑ वै [64]

वा॒सः सर्वा॑भिरे॒वैनं॑ दे॒वता॑भिः स॒मर्ध॑यति प॒शवो॑ वै सोमः॑
प्रा॒णाय॑ त्वेत्युप॑ न॒ह्यति॑ प्रा॒णमे॒व प॒शुषु॑ दधाति व्या॒नाय॑
त्वेत्य॑नु॒ शृ॒न्थति॑ व्या॒नमे॒व प॒शुषु॑ दधाति॒ तस्मा॑त्स्व॒पन्त॑म्प्रा॒णा
न ज॑हति॥ [65]

सशुक्रमेव रुन्ध इति येन हिरण्येन स्वान् चतुश्चत्वारिंशच्च॥10॥

यत्क॒लया॑ ते श॒फेनं॑ ते क्री॒णा॒नीति॑ प॒णे॒तागो॑अ॒र्घ्यं
सोमं॑ कुर्याद॒गो॑अ॒र्घ्यं यज॑मान॒मगो॑अ॒र्घम॒ध्वर्यु॑ङ्गोस्तु म॒हि॒मानं॑
नाव॑ तिरे॒द्रवा॑ ते क्री॒णा॒नीत्ये॒व ब्रू॑याद्गोअ॒र्घमे॒व सोमं॑
क॒रोति॑ गोअ॒र्घ्यं यज॑मानं गोअ॒र्घम॒ध्वर्यु॑न्न गो॒र्महि॑मान॒मव॑
तिर॑त्य॒जया॑ क्रीणाति॒ सत॑प॒समे॒वैनं॑ क्रीणाति॒ हिर॑ण्येन
क्रीणाति॒ सशु॑क्रमे॒व [66]

ए॒नं क्री॒णाति॒ धे॒न्वा क्री॒णाति॒ सा॒शि॒रमे॒वैनं॑ क्रीणात्यृषभेण॑
 क्रीणाति॒ सेन्द्र॑मे॒वैनं॑ क्रीणात्यन॒डुहा॑ क्रीणाति॒ वहि॒र्वा
 अ॒न॒ङ्गान् वहि॑नै॒व वहि॑ य॒ज्ञस्य॑ क्रीणाति॒ मिथु॑नाभ्यां
 क्रीणाति॒ मिथु॑नस्याव॒रुद्धौ॑ वास॑सा क्रीणाति॒ सर्व॑दे॒वत्यं॑ वै
 वासः॑ सर्वा॑भ्य ए॒वैनं॑ दे॒वता॑भ्यः क्रीणाति॒ दश॑ सम्प॑द्यन्ते
 दशा॑खरा वि॒राडन्नं॑ वि॒राड्विराजै॑वान्नाद्य॒मव॑ रु॒द्धे [67]

तप॑सस्त॒नूर॑सि प्र॒जाप॑ते॒र्वर्ण॑ इत्या॒ह प॒शुभ्य॑ ए॒व तद॑ध्व॒र्युर्नि
 हु॑त आ॒त्मनो॑ऽना॒व्रस्काय॑ गच्छ॑ति श्रिय॒म्प्र प॒शूना॑प्नोति॒ य ए॒वं
 वेद॑ शु॒क्रं ते शु॒क्रेण॑ क्रीणा॒मीत्या॑ह यथाय॒जुरे॒वैतद्दे॒वा वै येन॑
 हि॒र॒ण्येन॑ सोम॒मक्री॑णन्तद॒भीष॑हा पुन॒राद॑दत् को हि तेज॑सा
 वि॒क्रेष्य॑त् इति॒ येन॑ हि॒र॒ण्येन॑ [68]

सोमं॑ क्रीणी॒यात्तद॑भीष॒हा पुन॒रा द॑दीत् तेजं
 ए॒वात्म॑न्य॒त्तेऽस्मे॒ ज्योतिः॑ सोमवि॒क्रयि॑णि तम् इत्या॒ह
 ज्योति॑रे॒व यज॑माने दधाति॒ तम॑सा सोमवि॒क्रयि॑णम॒र्पय॑ति
 यदनु॑पग्रथ्य ह॒न्याद॑न्द॒शूका॒स्ताः समा॑ सर्पाः स्यु॒रिद॑म॒हः
 सर्पा॑णां द॒न्द॒शूका॑नां ग्री॒वा उप॑ ग्र॒न्थामी॒त्याहा॑द॒न्द॒शूका॒स्ताः
 समा॑ सर्पा भ॑वन्ति॒ तम॑सा सोमवि॒क्रयि॑णं वि॒ध्यति॑ स्वानं

[69]

भ्राजेत्याहैते वा अमुष्मिँल्लोके सोमंमरखन्तेभ्योऽधि
 सोममाहरन् यदेतेभ्यः सोमक्रयणान्नानुदिशेदक्रीतोऽस्य
 सोमः स्यान्नास्यैतेऽमुष्मिँल्लोके सोमं रखेयुर्यदेतेभ्यः
 सोमक्रयणाननुदिशति क्रीतोऽस्य सोमो भवत्येतेऽस्यामुष्मिँल्लोके
 सोमं रखन्ति॥ [70]

अन्वारभ्योश्चर्वाभिरेव सूर्यं भूतानां ह्यंति यदाहुस्सप्तविंशतिश्च॥ 11॥

वारुणो वै क्रीतः सोम उपनद्धो मित्रो न एहि सुमित्रधा
 इत्याह शान्त्या इन्द्रस्योरुमा विश दखिषणमित्याह देवा वै
 यं सोममक्रीणन्तमिन्द्रस्योरौ दखिषण आसादयन्नेष खलु
 वा एतर्हीन्द्रो यो यजते तस्मादेवमाहोदायुषा स्वायुषेत्याह
 देवता एवान्वारभ्योत् [71]

तिष्ठत्युर्वन्तरिख्यमन्विहीत्याहान्तरिख्यदेवत्यो ह्येतर्हि
 सोमोऽदित्याः सदोऽस्यदित्याः सद आ सीदेत्याह
 यथायजुरेवैतद्वि वा एनमेतदर्धयति यद्वारुणं सन्तम्मैत्रं
 करोति वारुण्यर्चा सादयति स्वयैवेन देवतया समर्धयति
 वाससा पर्यानहति सर्वदेवत्यं वै वासः सर्वाभिरेव [72]

ए॒नं दे॒वता॑भिः॒ सम॑र्धय॒त्यथो॑ र॒ख्य॑सा॒मप॑हत्यै॒ वने॑षु
 व्य॑न्तरि॒ख्यं त॑ता॒नेत्या॑ह॒ वने॑षु हि व्य॑न्तरि॒ख्यं त॑तान्
 वाज॑म॒र्वथि॑स्व॒त्याह॒ वाज॑ꣳ ह्य॒र्वथ्सु॑ पयो॑ अ॒घ्निया॑स्वि॒त्याह॒
 पयो॑ ह्य॒घ्निया॑सु॒ ह्यथ्सु॑ ऋ॒तुमि॑त्या॒ह ह्यथ्सु॑ हि ऋ॒तुर्वरु॑णो
 वि॒ख्य॑ग्निमि॒त्याह॒ वरु॑णो हि वि॒ख्य॑ग्नि॒न्दिवि॑ सूर्य॑म् [73]

इ॒त्याह॑ दि॒वि हि सूर्य॑ꣳ सोम॑म॒द्रावि॑त्या॒ह ग्रा॑वा॒णो वा
 अ॒द्रय॑स्तेषु॒ वा ए॒ष सोम॑ं दधाति॒ यो यज॑ते॒ तस्मा॑दे॒वमा॑हो॒दु
 त्यं जा॒तवे॑दस॒मिति॑ सौ॒र्यर्चा॑ कृ॒ष्णाजि॑न्म॒प्रत्या॑न॒ह्यति॑
 र॒ख्य॑सा॒मप॑ह॒त्या उ॒स्रावे॑त॒ धूर्षा॑हा॒वित्या॑ह॒ यथा॑य॒जुरे॑वै॒तत्प्र
 च्य॑वस्व॒ भुव॑स्प॒त इ॒त्याह॑ भू॒ताना॑ꣳ हि [74]

ए॒ष प॒तिर्वि॒श्वान्य॑भि॒ धामा॑नी॒त्याह॒ विश्वा॑नि॒ ह्ये
 ३ षो॑ऽभि॒ धामा॑नि॒ प्रच्य॑व॒ते मा॒ त्वा परि॑परी
 वि॒ददि॑त्या॒ह यदे॒वादः॑ सोम॑मा॒ह्रिय॑माणं॒ गन्ध॑र्वो॒ विश्वा॑र्व॒सुः
 प॒र्यमु॑ष्णा॒त्तस्मा॑दे॒वमा॑हा॒परि॑मोषाय॒ यज॑मानस्य॒ स्व॒स्त्यय॑न्य॒सीत॑
 यज॑मानस्यै॒वैष॑ य॒ज्ञस्या॑न्वा॒रम्भो॑ऽन॒वच्छि॑त्यै॒ वरु॑णो॒ वा ए॒ष
 यज॑मानम॒भ्यैति॑ यत् [75]

क्री॒तः सोम॑ उ॒प॒नद्धो॑ नमो॑ मि॒त्रस्य॑ वरु॑णस्य॒

च॒र॒ष्वसु॑ इ॒त्याह॑ शा॒न्त्या आ सोमं॑ व॒हन्त्य॒ग्निना॑
 प्र॒ति तिष्ठ॑ते तौ स॒म्भव॑न्तौ यज॑मानम॒भि सम्भव॑तः
 पु॒रा खलु॑ वावैष मे॒धाया॑त्मानंमा॒रभ्य॑ चरति॒ यो
 दी॒र्षितो॑ यद॑ग्री॒षोमीय॑म्प॒शुमाल॑भ॒त आत्म॑निष्क्रय॑ण
 ए॒वास्य॑ स तस्मा॑त्तस्य॒ नाश्य॑म्पुरुष॑निष्क्रय॑ण इव॒
 ह्यथो॑ खल्वा॑हुर॒ग्रीषोमा॑भ्या॒घ्वाँ इन्द्रो॑ वृ॒त्रम॑ह॒न्निति॑
 यद॑ग्री॒षोमीय॑म्प॒शुमाल॑भ॒ते वार्त्र॑घ्न ए॒वास्य॑ स तस्मा॑द्वा॒श्याघ्वाँरु॑ण्य
 परि॑ चरति॒ स्वयै॑वैन॑ दे॒वत॑या॒ परि॑ चरति॥ [76]

यदुभौ देवासुरा मिथस्तेषां सुवर्गव्यँद्वा अनीशानः पुरोहविषि तेभ्यस्सोत्तरवेदिर्बद्धदेवस्याग्निः शिरो वा एकादश॥11॥

यदुभावित्याह देवानाव्यँजो देवेभ्यो न रथाय यजमानाय परस्तादर्वाचीन्नवपञ्चाशत्॥59॥ यदुभौ दुह एवेनाम्॥ हरिः ओम्॥

श्रीकृष्णार्पणमस्तु॥

॥ हरिः ओम्॥ तैत्तिरीयसंहिता षष्ठकाण्डे द्वितीयः प्रश्नः॥

This PDF was downloaded from <http://stotrasamhita.github.io>.

GitHub: <http://stotrasamhita.github.io> | <http://github.com/stotrasamhita>

Credits: <http://stotrasamhita.github.io/about/>